

ԼՃԱՇԵՆԻ ԴԱՄԲԱՆԱԴԱՇՏԻ ՄՇԱԿՈՒՅԹԸ
(Ք. ա. XXIV–XVIII դդ.)

ԼԵՎՈՆ ՊԵՏՐՈՍՅԱՆ

Հայկական լեռնաշխարհը համաշխարհային քաղաքակրթության, մասնավորապես, Հարավային Կովկասի բազմահարուստ մշակույթում կարևոր տեղ է զբաղեցնում: Այս առումով առանձնանում է Սևանա լճի ավազանի բրոնզեդարյան Լճաշեն հնավայրի շքեղ մշակույթը:





XX դարավերջի տասնամյակների դաշտային աշխատանքների ժամանակ հայտնաբերված մասունքները ոչ միայն ամբողջացնում են Հայաստանի բրոնզեդարյան մշակույթի ուսումնասիրությունը, այլև անառարկելի չափանիշ են Հարավային Կովկասի Ք. ա. IV–II հազարամյակների մշակույթի համար: Մակայն առկա հրապարակումները հիմնականում ուշ բրոնզեդարյան ժամանակաշրջանի մասին են, մինչդեռ վաղ շրջաններին վերաբերողները բավականին քիչ են:

Սույն հրապարակումը վերաբերում է Լճաշենի դամբանադաշտի վաղ կուրգանային և Թռեղք-Վանաձորի շրջափուլին: Այդ ժամանակաշրջանին են վերագրվում Հ. Մնացականյանի պեղած թիվ 14, 42, 44, թիվ 120 (վերին թաղում), 123 դամբանաբլուրներն ու թիվ 62 դամբարանը և մեր 1988 թ.՝ թիվ 55, 1993 թ.՝ Սևան քաղաքում ուսումնասիրված համալիրները:

Լճաշենի դամբանադաշտում ուսումնասիրված նյութերի շարքում առավել սակավ են վաղ բրոնզի և միջին բրոնզի դարաշրջանների միջակայքում գտնվող հուշարձանները: Վաղ բրոնզի ժամանակաշրջանին հաջորդող նյութեր է պարունակում 1988 թ. մեր պեղած թիվ 55 դամբարանը¹: Գտածոները թե՛ դամբանախցի կառուցվածքով (աղ. I, նկ. 1) և թե՛ սակավաթիվ, սակայն բարձրարժեք նյութերով (աղ. I, նկ. 2-7) վաղ կուրգանային մշակույթի հուշարձան են: Այդ դամբարանը ոչ միայն կառուցվածքով, այլև թաղման ձևով իր ուրույն տեղն ունի Հայաստանի հիշյալ ժամանակաշրջանի ուսումնասիրության համար: Դամբարանի նյութերն առավել մեծ ընդհանրություններ ունեն նախորդ փուլի նյութերի հետ, որը ևս մեկ անգամ վկայում է վերջիններիս անցումային բնույթը:

Այդ առումով բավական ուշագրավ է 2002 թ. Վրաստանի Տեղոցմինդա գյուղի մոտակայքում պեղված դամբարանը, որը կառուցվածքով և նյութերի տեսականիով համահունչ է Լճաշենի թիվ 55 դամբարանին: Ըստ պեղող հնագետների՝ Տեղոցմինդայի դամբանաբլուրը կառուցվել է այն ժամանակ, երբ վաղ բրոնզի հասարակությունում կատարվում էին ինչպես հասարակական, այնպես էլ մշակութային տեղաշարժեր: Այստեղ հայտնա-

¹ Л. А. Петросян. Раскопки лчашенского Могильника в 1997 г.– Археологическая конференция Кавказа, I. Тбилиси, 1998, с. 99–101.



բերված նյութերն ունեն ինչպես վաղ բրոնզի, այնպես էլ վաղ կուրգանային մշակույթի վաղ մարդդոփյան և ուշ բեդենյան դրսևորումներ²:

Այսպես, ԼՃաշենի թիվ 55 դամբարանում գտնված երկու խեցանոթներից մեկը՝ կարասը (աղ. I, նկ. 2), ձևով և արտաքին սև փայլով գրեթե չի տարբերվում Շենգավիթի հայտնի կարասից³, իսկ զարդերի կատարմամբ՝ Թռեղքի վաղ խմբի թիվ 27 դամբարանաբլրում հայտնաբերվածներից⁴: Մեծափոր իրանով կարասները փոքր-ինչ երկարուկ տեսք ստանալով՝ լայն տարածում են գտնում հաջորդ փուլում:

Երկրորդ խեցանոթն (աղ. I, նկ. 3) իր ձևով և հարդարանքով որոշ ընդհանրություն ունի վաղ բրոնզի խեցեղենի զարդաձևերի հետ, սակայն ասես դրա կրկնօրինակը լինի Բլթոյի Ք. ա. III–II հազարամյակների սահմանագլխին վերագրված անոթը⁵: Այդ կարասը հստակորեն ցույց է տալիս նախորդ՝ վաղ բրոնզի նյութերի հետ կապը, իսկ վերջինում հաջորդ փուլի դրսևորումներն են: Փոքր սափորի վրայի զարդաձևերը սերտորեն առնչվում են Հ. Մնացականյանի պեղած թիվ 123 դամբարանի խեցեղենի զարդամոտիվներին⁶:

Ուսումնասիրվող դամբարանի ուշագրավ նյութերից է նաև որձաքարից պատրաստված թերավարտ գուրգը (աղ. I, նկ. 6), որը կրկնօրինակներ ունի Հայաստանի և Հարավային Կովկասի բազմաթիվ հուշարձաններում (Էլլառ, Գառնի, Էջմիածին, Շենգավիթ և այլն)⁷: Հար և նման մի գուրգ էլ հայտնի է Քվեմո Քեղիի ավերված դամբարանից, որտեղի խեցանոթների վրայի զարդերն իրենց կատարմամբ ևս մերձենում են ԼՃաշենի թիվ 55 դամբարանի նյութերի զարդերին⁸: Վրաստանում նման գուրգեր են հայտնի նաև Թռեղքի թիվ 40 դամբարանաբլրից⁹: Աղբրեջանում նման գուրգ է գտնվել Ք. ա. III հազարամյակի վերջով թվագրված թիվ 13 դամբարանում¹⁰: Ի դեպ, բացի վերը նշված վաղ բրոնզի ժամանակաշրջանի օրինակներից, վերջինները համաժամանակյա են ԼՃաշենի թիվ 55 դամբարանին:

Մյուսը տափակ թերթաքարից պատրաստված, ստորին աշխատող մասից հարդարված գործիք է (աղ. I, նկ. 7), որի ձևից դատելով կարող ենք ենթադրել, որ ծառայել է որպես քերիչ:

² Г. М и н д и а ш в и л и. Ранний Курган у с. Тедоцминда.– Археология, Фольклористика Кавказа, Международная научная конференция. Тбилиси, 2004, с. 94–95.

³ Մ. Հ. Մ ա ղ ա ղ ա ն. Նախնադարյան հասարակությունը Հայաստանում, Երևան, 1967, էջ 29:

⁴ Э. М. Г о г а д з е. Периодизация и генезис курганной культуры Триалети. Тбилиси, 1972, табл. 11, рис. 8.

⁵ Ш. Ш. Д е д а б р е ш в и л и. Памятники ранней и средней бронзы.– Труды кахетской археологической экспедиции I. Тбилиси, 1969, с. 62, рис. 151.

⁶ Հ. Հ. Մ ն ա ց ա կ ա ն յ ա ն. ԼՃաշենի մշակույթի զարգացման հիմնական էտապները.– ՊԲՀ, 1965, №2, աղ. II, նկ. 2, 3, 12–19:

⁷ Է. Վ. Խ ա ն զ ա ղ ա ն. Հայկական լեռնաշխարհի մշակույթը մ. թ. ա. III հազարամյակում, Երևան, 1967, աղ. II:

⁸ Ш. Ш. Д е д а б р е ш в и л и, Նշվ. աշխ., աղ. III:

⁹ Б. А. К у ф т и н. Археологические раскопки в Триалети I. Тбилиси, 1941, табл. СХL.

¹⁰ Т. А х у н д о в. Северо-западный Азербайджан в эпоху энеолита и бронзы. Баку, 2001, табл. VI.

Մոցիալական բարձր դիրքի մասին են վկայում սայլի փայտե մասերը և հատկապես ոսկյա թիթեղներից պատրաստված \square թագի \square նախատիպը (աղ. I, նկ. 4, 5): Այդ գաղափարին հանգեցրեց երկու մասերի ճիշտ տեղադրումը, ժապավենն (աղ. I, նկ. 4) ընդգրկում էր գանգի ետևի մասը, որի ծայրերն իրար էին մոտեցած ճակատային մասում գտնվող «սկավառակի» (աղ. I, նկ. 5) մոտ: Վերջինիս եզրերին արված փոքր անցքերը վկայում են, որ այն ամրացված է եղել փափուկ հիմքի վրա, որին էլ երկու կողմերից միացվել են ժապավենի ծայրերը: Որպես ժապավենի վաղնջական նմուշ կարող են ծառայել Կվացիսելեբիի Ք. ա. III հազարամյակի սկզբին վերագրվող C շերտից հայտնաբերված բրոնզե օրինակները¹¹: Սկավառակների ձևերը տեսանելի են Թոեղքի վաղ խմբի թիվ 40 դամբարանում, որի վրայի անցքերը ոչ թե եզրերին են արված, այլ դասավորված են ճառագայթաձև ութ շարքով¹²: Առավել ուշագրավ են անատոլիական Մոխրաբլրի՝ Ասորեստանի կողմից գաղութացման ժամանակաշրջանին պատկանող H շերտից հայտնաբերված ոսկյա զուգահեռները, որոնք որպես ճակատակալներ և սկավառակներ¹³ նշված են առանձին-առանձին:

Ինչպես արևակերպ ոսկե սկավառակների, այնպես էլ Լճաշենի թիվ 55 դամբարանի ծածկասալերի ճառագայթաձև դասավորությունը հիմք է տալիս ենթադրելու արևի պաշտամունքի հետ դամբանատիրոջ ունեցած ադերսի մասին. հնարավոր է, որ գործ ունենք հնագույն աշխարհիկ և հոգևոր դասի բարձրաստիճան ներկայացուցչի հետ: Ըստ ամենայնի, այդ իրողության ապացույցներ են Քարաշամբի մեծ դամբանաբլրից հայտնաբերված բրոնզե թիթեղների դրվագապատկերները¹⁴: Բացառված չէ, որ նույն իմաստն է արտահայտում Քարաշամբի նշված դամբանաբլրի անոթներից մեկի ուսերին արված ութաձև ճոխ զարդարուն պատկերը¹⁵:

Այսպիսով, կասկածից վեր է, որ ուսումնասիրվող դամբարանը պատկանում է վաղ կուրգանային մշակույթին, որը թվագրվում է Ք. ա. XXIV–XXII դարերով:

Թոեղք-վանաձորյան մշակութային փուլի նյութեր պարունակող համալիրները ընդամենը վեցն են՝ 1950–1960-ական թվականներին Հ. Մնացականյանի պեղած թիվ 14, 42, 44, 120 (վերին թաղում), 123 դամբանաբլուրները և թիվ 62 դամբարանը: Դրանցից միայն թիվ 120 և 123 դամբանաբլուրներն ու Լճաշենի ամրոցի տվյալ փուլին պատկանող մշակութային շերտից հայտնաբերված նյութերն են արժանացել ուսումնասիրողների ուշադրությանը: Հարկ է նշել, որ թիվ 14, 42 և 44 դամբանաբլուրներն աչքի չեն զարնում նյութերի բազմազանությամբ: Գերակշիռ մասն են կազմում ձեռքով պատրաստված, դարչնագույն կամ բաց վարդագույն մակերեսով

¹¹ К. Х. Кушнаряева, Т. Н. Чубинишвили. Древние культуры южного Кавказа (V–III тыс. до н. э). Л., 1970, рис. 26.


¹² Б. А. Кутин. *Նշվ. աշխ., աղ. CXL:*

¹³ T. Ozac. Kültepe-Kanis II, New Researches at the Trading Center of the Amgient Near Last, Turk Tarih Kurumi Baslmevel Ankara, 1986, pl. 64, 65.

¹⁴ В. Э. Оганесян. Раскопки Карашамбского могильника в 1984 г. — *Հնագիտական աշխատանքները Հայաստանի նորակառույցներում, 1986–1988 թթ. պեղումների արդյունքները, I*, Երևան, 1993, աղ. XXIII, 24:

¹⁵ Նույն տեղում, աղ. XXV:

Աղյուսակ II



անգարդ նյութերը (ադ. IV, նկ. 6, 8, ադ. VI, նկ. 1, 3, 5) և կտրելու եղանակով արված զիզգագներով, հորիզոնական գոտիների միջակայքը կարճ զծիկներով, ալիքներով ու երբեմն էլ կետերով լցված զարդամոտիվներով մեծ ու փոքր կճուճները (ադ. IV, նկ. 2, 3, 5, 7, ադ. V, նկ. 3, 4, 9, ադ. VI, նկ. 4): Նմանօրինակ կճուճներ կան նաև թիվ 123 դամբանաբլրի նյութերում (ադ. II, նկ. 3, 4):

Վերոգրյալ նյութերն ամբողջությամբ համապատասխանում են Հարավային Կովկասում մինչ այժմ հայտնի շերտագրական հստակ պատկեր ներկայացնող բնակատեղիի՝ Ուզերլիկ Թեփեի ստորին շերտի նմուշներին, միայն այն տարբերությամբ, որ վերջինիս զարդերն ավելի բազմազան են¹⁶: Լճաշենի նյութերի նմանակները լավ հայտնի են նաև Միսիանի թիվ 10 և Մոզի 13 դամբանային համալիրներում¹⁷:

Ուսումնասիրվող վաղ փուլի անխառն դրսևորումներ են պարունակում նաև Հայաստանի պատմության պետական թանգարանի (ՀՊՊԹ) Մայիսյանի թիվ մեկ (2829/3-17, 123), 2 (2829/18-26, 31-35), 13 (2829/104-121) և Քեթի թիվ 10-14 դամբարանները¹⁸:

Զարդամոտիվներով, կատարման եղանակով վկայակոչված նմուշները համապատասխանում են նաև Թոեղքի թիվ 3 դամբանաբլրի նյութերին¹⁹, ինչպես նաև ավելի վաղ ժամանակաշրջանին պատկանող Ցնորիի խմբի թիվ 3 դամբանաբլրի խեցեղենին²⁰: Այս կճուճների զարդարուն ու անգարդ նմուշները հայտնի են նաև Հյուսիսարևմտյան Ադրբեջանի Շեքիի Կուլուրլու վայրի Ք. ա. II հազ. սկզբով թվագրվող Դաշուզի խմբին պատկանող թիվ 3 և 6 դամբանաբլուրներից²¹: Վերը նշվածներից բացի՝ Լճաշենի թիվ 14 դամբանաբլրում գտնվել են նաև մեկ անգարդ և մեկ նույնանման զարդերով, քիչ բարձր նստուկով թասեր (ադ. V, նկ. 5,9): Ակներևաբար, այս անոթների ձևերն ընդօրինակված են Թոեղք-վանաձորյան հուշարձաններում (Թրիալեթի, Կիրովական, Քարաշամբ) հայտնաբերված մետաղե օրինակներից: Հետաքրքրական է, որ Ուզերլիկի միջին շերտից հայտնաբերված կավե օրինակները ոչ միայն նստուկով, այլև ձևով ամբողջությամբ կրկնում են Կիրովականի նմուշը²²: Լճաշենի օրինակներն ամբողջապես համապատասխանում են Թոեղք-վանաձորյան խմբի վերջին փուլով թվագրվող Նորատուսի թասին²³:

¹⁶ К. Х. Кушнарєва. Новые данные о поселении Узерлик-Тепе около Агдама.– Труды Азербайджанской археологической экспедиции, т. II. Л., 1965, с. 87, рис. 17–20.

¹⁷ O. S. X n k i k y a n. Syunik during the Bronze and Iron Ages. Barrington, 2002, pl. X.

¹⁸ Л. А. Петросян. Раскопки памятников Кети и Воскеанка (III–I тыс. до н. э.).– Археологические раскопки в Армении № 21. Ереван, 1989, табл. 36–40.

¹⁹ О. М. Д ж а п а р и д з е. Археологические раскопки в Триалети. Тбилиси, 1969, с. 43–44, табл. 23, 24.


²⁰ Ш. Ш. Дедабрешвили. Курганы алазанской долины.– Труды Кахетской археологической экспедиции II. Тбилиси, 1979, табл VIII, рис. 4.

²¹ Т. А х у н д о в. Նշվ. աշխ., նկ. XXXVI (8), XLI (1–3):

²² К. Х. Кушнарєва. Նշվ. աշխ., էջ 93, նկ. 25:

²³ А. А. Мартиросян. Армения в эпоху бронзы и раннего железа. Ереван, 1964, табл. IV.

Աղյուսակ III



Անոթների այս տեսակի սկզբնավորումը նշմարվում է Թոեղքի ծաղկման շրջանի վաղ փուլերի նյութերում, որոնք կան նաև հետագա շրջափուլում:

Մեկ այլ հորինվածքով, պատվանդանաձև նստուկով ուշագրավ գավաթ է հայտնի 1959 թ. Հ. Մնացականյանի պեղած թիվ 44 դամբանաբլրից: Գավաթի մակերեսը սև է, իրանին արված են հատած բրգի տեսք ունեցող 7 ելուստ (աղ. V, նկ. 2): Նմանօրինակ ձևավորմամբ անոթներ մեզ հայտնի չեն: Այն իր ընդհանուր ձևով և հատկապես նստուկի հորինվածքով զգալիորեն մերձենում է Թոեղքի թիվ 5 դամբանաբլրի²⁴, Քարաշամբի մետաղե օրինակներին²⁵, որոնք, իրավամբ, համարվում են ծիսական անոթներ:

Կարևոր նյութերով, շքեղությամբ, մետաղե զենքով ու զարդարանքի առարկաներով առավել աչքի են ընկնում Լճաշենի թիվ 120 և 123 դամբանաբլուրները: Թիվ 123-ում գտնված փոքր-ինչ ձգված իրանով հիդրիա հիշեցնող անոթն (աղ. II, նկ. 2) ունի դարչնագույն փայլ և զարդարված է կտրելու եղանակով արված տարատեսակ զարդապատկերներով: Նմանօրինակ ձգված իրանով անզարդ անոթներ են հայտնի թիվ 14 դամբանաբլրում (աղ. V, նկ. 7): Ինչպես հայտնի է, հիդրաները և նման ձգված իրանով անոթները բնորոշ են Թոեղք-վանաձորյան խմբի բոլոր հուշարձաններին: Ուստի և Լճաշենի թիվ 120 և 123 դամբանային նյութերը քննարկվելու են համատեղ: Այդ առումով Քարաշամբի մեծ դամբանաբլուրն առանձնակի կարևորություն ունի ոչ միայն իր նյութերի ընդհանրությամբ, այլև նրանով, որ ինչպես Լճաշենի թիվ 120 դամբանաբլրի վերին, այնպես էլ Քարաշամբի մեծ դամբանաբլրի թաղումները կատարվել են գետնի մակերևույթին՝ քարերի մեկ շարքով առանձնացված հրապարակների վրա²⁶: Քարաշամբի գտածոները՝ կարասներն ու կճուճները, ինչպես ձևերով, այնպես էլ ճոխ հարդարանքով ամբողջությամբ համապատասխանում են Լճաշենի նյութերին²⁷ և Ք. ա. XXII դ. II կեսի – XIX դ. I կեսի նմուշներ են: Լճաշենից հայտնի խնդրո առարկա նյութերը ձևերով ու կիսալուսնաձև զարդի պատկերումով (աղ. II, նկ. 5) համադրվում են նաև Արտաշավանի Ք. ա. XXII–XXI դդ. թվագրված թիվ 5 դամբարանի նյութերի հետ²⁸:

Մշակութային պատկանելության առումով ուշագրավ են Լճաշենի թիվ 123 դամբանաբլրի կարասի և կճուճների զարդամոտիվների ընդհանրությունները Թոեղքի «ծաղկման շրջանի» թիվ 8 և 36 դամբանաբլուրների նյութերի հետ²⁹:

Դառնալով Լճաշենի թիվ 120 և 123 դամբանաբլուրներից հայտնաբերված փոքր ծավալի անոթներին՝ նշենք, որ դրանք մեծ մասամբ հարթ հատակով, ուռուցիկ իրանով և դուրս թեքված շուրթի պսակով դարչնագույն փայլեցված, անզարդ և կտրելու եղանակով արված զիզագաձև հորիզոն-

²⁴ Յ. Մ. Գոգաձե. Նշվ. աշխ., աղ. 17:

²⁵ Յ. Յ. Օգանեսյան. Նշվ. աշխ., էջ 26–35, աղ. XXVI:


²⁶ Նույն տեղում, էջ 26–35:

²⁷ Նույն տեղում, էջ 26–35, աղ. XXV:

²⁸ Պ. Ս. Ավետիսյան, Ն. Ենգիբարյան, Գ. Մարգարյան. Հայաստանի նորահայտ հնագիտական հուշարձաններ (Արտաշավանի դամբանադաշտը).– Հանդես ամսօրյա, 1998, թիվ 1–12, էջ 194–247, աղ. Բ:

²⁹ Յ. Մ. Գոգաձե. Նշվ. աշխ., աղ. 20, 28:

Աղյուսակ IV



նական ալիքներով կետաշարով ու այլ ձևերով զարդարված կճուճներ են (աղ. II, նկ. 6,7,8, աղ. VI, նկ. 2): Վերջիններիս մյուս տեսակները ներկայանում են մեկական օրինակով. մեկն ունի ուղղահայաց կլոր (աղ. III, նկ. 8), մյուսը՝ դեպի ներս թեքված կլոր շուրթ (աղ. III, նկ. 10), երրորդն ունի դեպի դուրս թեքված և թեք կտրված շուրթ, որի ուսերն ունեն հարթակի տեսք (աղ. III, նկ. 11): Հիշյալ բոլոր տեսակի անոթներն իրենց ձևով և զարդաձևերով ու կատարման եղանակներով ամբողջությամբ համապատասխանում են Ուզբեյիկ թեփեի ստորին շերտի նյութերին³⁰: Առանց զարդերի նման նյութերով է առանձնանում Ք. ա. XXII–XXI դդ. թվագրված Արտաշավանի թիվ 5 դամբարանը³¹:

Թաղման հրապարակների կառուցվածքով և նյութերով Լճաշենի 120 ու Քարաշամբի դամբանաբլուրների հետ զգալի ընդհանրություններ ունեն Հյուսիսարևմտյան Ադրբեջանի Շեքիի Կուդուրլու վայրում բացված 14 դամբանաբլուրները, միայն այն տարբերությամբ, որ վերջիններիս թաղման հրապարակների շուրջը պատրաստված են ճառագայթաձև հարթակներ, և թաղումները կատարված են մեջքի վրա պառկած դիրքով³²: Մեծ կճուճներից բացի՝ այստեղ հայտնաբերվել են նաև ուսումնասիրվող կճուճների փոքր տեսակները, որոնց մի մասը, ի տարբերություն Հայաստանի օրինակների, ունի մեկ կամ երկու կանթ³³:

Ըստ Տ. Ախունդովի՝ սկզբնական շրջանում՝ Ք. ա. III հազ. II կեսին, Ադրբեջանի վերոհիշյալ տարածաշրջանի վրա մեծ է եղել Հյուսիսային Կովկասի ազդեցությունը, որը հետագայում հետզհետե փոխվում է հարավկովկասյանով³⁴: Որքանով է ճշմարտացի այս հետևությունը, միանշանակ պնդելը դժվար է: Եղած տվյալները ցույց են տալիս, որ հյուսիսկովկասյան վաղ բրոնզի վերջով թվագրվող այնպիսի հուշարձաններում, ինչպիսիք են Վելիքենդի և Սիգիրմինի բնակատեղիները, հայտնաբերված նյութերի զգալի մասը ձևերով և հարդարանքով ընդհանրություններ ունի Հայաստանից հայտնի նյութերի հետ³⁵:

Մի փոքր այլ է վիճակը հյուսիսկովկասյան մեկ այլ հուշարձանում՝ Գինչիում: Այստեղ նյութերի ուսումնասիրվող տեսակների հետ հանդես են գալիս վաղ բրոնզի «մեռնող» հատկանիշներով նյութեր, որպիսիք բացակայում են մեր գտածոներում: Այդ առումով կարևորում ենք Լճաշենի թիվ 120 (վերին թաղում) և 123 դամբանաբլուրներում հայտնաբերված փոքր ծավալի խեցանոթների ու հատկապես զարդերի որոշ ձևերի և կատարման եղանակների (կտրելու) զգալի ընդհանրությունները: Ուշագրավ են Գինչիում պեղված 15 դամբանային գտածոների տվյալները: Այստեղ հայտնաբերված փոքր ծավալի խեցանոթների տարբերությունը Լճաշենի

³⁰ К. Х. Кушнарьова. *Նշվ. աշխ.*, էջ 87–89, նկ. 17–19:

³¹ Պ. Ս. Ավետիսյան և ուրիշներ. *Նշվ. աշխ.*, աղ. Բ:


³² Т. Ахундов. *Նշվ. աշխ.*, էջ 290–252:

³³ *Նույն տեղում*, նկ. XXXIV:

³⁴ *Նույն տեղում*, էջ 237–238:

³⁵ М. Г. Гаджиев. Раннеземледельческая культура Северо-Восточного Кавказа эпохи ранней бронзы. М., 1991, с. 134, 148, рис. 25, 36.

Աղյուսակ V



նյութերից այն է, որ դադաստանյան օրինակները բռնակներ ունեն³⁶: Բացի այդ՝ թիվ 13 դամբանախցում հայտնաբերված նույն տեսակի անոթների հետ հայտնաբերվել է նաև Թռեղքի վաղ խմբին պատկանող փքուն իրանով երկկանթ անոթների ձև ունեցող կճուճ, որը, կարծում ենք, նույն մեկ անգամ հավաստում է վերջիններիս մերձավոր լինելու փաստը:

Ուսումնասիրվող խեցանոթների տեսակներից բացի՝ Լճաշենի թիվ 14 դամբանաբլրում գտնվել են երկու «աղաման» (աղ. V, նկ. 6, 8), իսկ թիվ 44-ում՝ քարից կերտված կափարիչ (աղ. V, նկ. 1): Չժավալվելով արձանագրենք, որ նշված խեցանոթները և կափարիչը հատկապես Թռեղք-վանաձորյան շրջափուլի հատկանշական նյութեր են, որոնք հաճախ են հանդիպում տվյալ ժամանակաշրջանին պատկանող գտածոներում: Թիվ 123 դամբարանում, բացի ներկայացված խեցեղենից, ինչպես հավաստում է պեղող հնագետը, բացված եզան կմախքի ոսկորների միջից գտնվել է վանակատից պատրաստված, պոչուկով զանգվածեղ նետի ծայր (աղ. II, նկ. 9): Իսկ կենդանու ոտքերի ոսկորների և մարդու կմախքի արանքում դրված է եղել հարթ շեղբով և պոչուկով բրոնզե դաշույն, որի կոթառի վրա ուղղահայաց դիրքով երկու անցք է արված (աղ. II, նկ. 1):

Խնդրո առարկա դաշույնների տեսակը, ձևավորվելով Կուր-արաքսյան մշակութային ոլորտում, որոշ փոփոխություններ կրելով շարունակում է կիրառվել բրոնզի դարաշրջանի հաջորդ փուլերում: Ի տարբերություն Կուր-արաքսյան փուլի՝ միջին բրոնզի ժամանակաշրջանի դաշույնները որպես կանոն կոթառի վրա ունեն մեկ կամ երկու անցք, շեղբերը կտրվածքում երբեմն ստանում են քիչ ուռուցիկ (օվալ) տեսք, որոնց մակերեսի կենտրոնում կամ եզրերին արված են ուղղահայաց ջիղեր: Լճաշենի ճզրիստ զուգահեռներ կարող են համարվել Միսիանի փորձակայանի թիվ 2, 10 և 3 դամբանային գտածոները, որոնցից վերջինն ունի երեք անցք՝ մեկական ուսերին և պոչուկին³⁷: Այս դաշույնները գտնվում են հենց այն նյութերում, որպիսիք ամբողջությամբ համադրվել են Լճաշենի դաշույնի հավաքածուի գտածոների հետ: Հայաստանի միջին բրոնզի հաջորդ փուլերին պատկանող հուշարձաններում նույնպիսիք մնում են կիրառության մեջ ու հայտնի են Վանաձորի (Կիրովականի) դամբանաբլրից, Էջմիածնից և Կարմիր վանքից³⁸: Արևելյան Վրաստանում նմանօրինակ դաշույններ են հայտնի վաղ կուրգանային շրջափուլի այնպիսի նյութերում, ինչպիսիք են Յնորիի խմբի թիվ 1 դամբանաբլուրը³⁹ և Բեդենի դամբարաններից մեկը⁴⁰, որոնք վերաբերում են Ք. ա. III հազ. II կեսին: Այս փուլին է աղերսվում նաև Թռեղքի թիվ 40 դամբանաբլուրը, որտեղ նույն ձևի դաշույն կա⁴¹: Նմանատիպ են Ախչիայի թիվ 1 և 7, Դումիելայի թիվ 1 դամբանաբ-

³⁶ М. Г. Га д ж и е в. Из истории культуры Дагестана в эпоху бронзы. Махачкала, 1969, рис. 3, 10, 12, 23, 25.

³⁷ О. С. Х н к и к у а н. Նշվ. աշխ., նկ. IX(1), XI/1, XII/1.

³⁸ А. А. М а р т и р о с я н. Նշվ. աշխ., էջ 65, 69, նկ. 30, 34, 20a:

³⁹ Ш. Ш. Д е д а б р е ш в и л и. Курганы Алазанской долины..., табл. VII, рис. 4.

⁴⁰ Г. Г о г е д ж е ш в и л и. Бедени-Культура курганных погребений. Тбилиси, 1981, с. 136.

⁴¹ Э. М. Г о г а д з е. Նշվ. աշխ., աղ. 12/3:

լուրների դաշույնները⁴², որոնք իրենց նյութերով համապատասխանում են Ք. ա. XXII դ. II–XIX դ. I կեսով թվագրվող Լճաշենի նմուշներին:

Մյսպիսով, վաղ բրոնզի հուշարձաններում հայտնաբերված առանց կոթառի անցքի օրինակներից բացի, մյուսների կոթառին կամ ուսերին անցքեր կան, որոնք փոքր-ինչ տարբերվում են նաև շեղբերի որոշ առանձնահատկություններով, այն է՝ միջին բրոնզի նմուշների միջնամասում գոյություն ունեն ուղղահայաց ջիղեր:

Ինչ վերաբերում է Լճաշենի թիվ 123 դամբարանի վանակատից նետաւլաքին, ապա այն, հավանաբար, ծառայել է նաև որպես տեգի ծայր: Իսկ դրանց փոքր տեսակները հայտնի են վաղ բրոնզի այնպիսի հուշարձաններից, ինչպիսիք են Մաշտոցի բլուրը⁴³, Քեթին⁴⁴, Գառնին⁴⁵ և Թեթրածմինդան⁴⁶:

Դառնալով Լճաշենի թիվ 120 դամբարանի վերին թաղման նյութերին՝ նշենք, որ բացի վերն ուսումնասիրված խեցանոթներից, հայտնաբերվել են նաև բրոնզից, շաղախից ու քարից պատրաստված զարդարանքի առարկաներ (աղ. III, նկ.1-7), որոնցից երեքը (աղ. III, նկ. 1, 2, 4) բրոնզե մատանիներ են, մեկը (աղ. III, նկ. 7)՝ ապարանջան: Ինչպես վերը նշված թիվ 123 դամբանաբլրի դաշույնի ձևը, այնպես էլ երկգալար բրոնզե զարդերը երևան են գալիս Կուր-արաքսյան մշակույթում, որպիսիք հայտնի են Էլանի թիվ 11 դամբարանից⁴⁷, Արագածից (պեղումները՝ Ռ. Թորոսյանի, չիրատարակված նյութեր), Կվաղխելեբի C շերտից⁴⁸ և այլ հնավայրերից: Ի դեպ, այս զարդատեսակը Հարավային Կովկասի միջին բրոնզի հուշարձաններում, Լճաշենից բացի, մեզ հայտնի չէ: Դրանք հայտնի են լեռնային Դադստանի՝ Գինչիի Ք. ա. II հազ. I քառորդով թվագրված երեք՝ թիվ 5, 7 և 9 դամբարաններից⁴⁹: Ինչ վերաբերում է քարից պատրաստված ուլունքին և կախիկին (աղ. II, նկ. 3, 5), ապա դրանք ևս առավել լավ հայտնի են Դադստանի հիշյալ և 1, 2 ու մի շարք այլ դամբանային գտածոներում: Այդօրինակ զարդեր գտնվել են նաև թռեղքյան մշակույթին պատկանող այնպիսի հուշարձաններում, ինչպիսիք են Ախչիայի թիվ 9 և Կոթրեբի թիվ 2⁵⁰ դամբանաբլուրները: Լճաշենի ուսումնասիրվող թիվ 120 դամբար-

⁴² Օ. Մ. Джапаридзе, Я. Киквидзе, Г. Авалишвили, А. Церетели. Результаты Месхет-Джавахетской археологической экспедиции (1970–1977 гг.). Тбилиси, 1981, табл. II, рис. 15,16, табл. XXII, LXIII.

⁴³ Մ. Հ. Մաքրիաթյանի նշվ. աշխ., էջ 146, նկ. 4:

⁴⁴ Л. А. Петросян. Раскопки памятников Кети и Воскеаска..., табл. 6, рис. 1–3.

⁴⁵ Բ. Վ. Իսախանյանի Գառնի IV, Երևան, 1969, էջ 27, նկ. 17:

⁴⁶ Р. М. Мунчаев. Кавказ на заре бронзового века. М., 1975, с. 133, рис. 14/1-6.


⁴⁷ Բ. Վ. Իսախանյանի Էլան-Դարանի, Երևան, 1979, աղ. VIII:

⁴⁸ А. И. Джавахишвили, Л. И. Глonti. Урбниси I, 1962, табл. 36

⁴⁹ М. Г. Гаджиев. Из истории культуры Дагестана..., 1969, с. 47–74, рис. 20, 22, 27, 31.

⁵⁰ Օ. Մ. Джапаридзе. Результаты Месхет-Джавахетской археологической экспедиции..., с. 53, рис. 18, с. 95, рис. 39.

Աղյուսակ VI



րանում գտնվել է նաև երկարուկ, եռաթև ուլունք (աղ. III, նկ. 6), որի նմանակ կարող է համարվել Լիլոյի թիվ 1 դամբանաբլրի նմուշը⁵¹:

Այսպիսով, ԼՃաշենի թիվ 14, 42, 44, 120 և 123 դամբարանների ուսումնասիրությունը վկայում է, որ դրանք պատկանում են Թռեղք-վանաձորյան հնագիտական մշակույթի վաղ փուլին և թվագրվում են Ք. ա. XXII դ. II–XIX դ. առաջին կեսերով:

Առանձնակի հետաքրքրություն է ներկայացնում 1960 թ. Շ. Մնացականյանի պեղած թիվ 62 դամբարանից հայտնաբերված միակ նմուշը (աղ. IV, նկ. 1): Ձեռածեփ մուգ դարչնագույն արտաքին մակերեսով, թույլ դուրս ճկված շրթով, պարանոցից իրանին սահուն անցումով խեցանոթի ուսերը զարդարված են կտրելու եղանակով արված կարճ գծիկներով լցված երկու գույգ կախված կիսաշրջաններով: Անոթն իր ձևով ու հարդարանքով մերձենում է ինչպես Վանաձորից հայտնաբերված վաղ բրոնզի իրիին⁵², այնպես էլ Շենգավիթի վերին շերտերին բնորոշ նյութերին⁵³ և վերջիններից տարբերվում է միայն զարդաձևով: ԼՃաշենի օրինակը ձևով զգալի ընդհանրություններ ունի նաև Արուճի թիվ 1 դամբանաբլրից հայտնի միակնթ աճյուրի հետ (ՀՊՊԹ, 2777/16):

Այսպիսով, մինչ օրս ԼՃաշենում պեղված դամբարանների քանակը հիմք է տալիս հանգելու այն հետևության, որ ԼՃաշենը վաղ բրոնզի և Թռեղք-վանաձորյան ժամանակահատվածում բնակեցված է եղել խիստ նոսր: Բնակչության թիվը հետզհետե աճում է Կարմիրբերդյան մշակութային փուլից՝ Ք. ա. XVIII դ. սկսած և իր բարձրակետին է հասնում ուշ բրոնզի դարաշրջանում:

Հարկ է այստեղ հիշել, որ մինչ օրս ԼՃաշենում պեղված դամբանային գտածոների շարքում Թռեղք-վանաձորյան մշակույթի վերջին փուլը դրսևորող դամբարաններ չկան: Այստեղ իր տեղն ունի 1993 թ. ԼՃաշենի դամբանադաշտի շարունակությունը՝ Սևան քաղաքի գործադիր կոմիտեի (քաղաքապետարան) բակում մեր բացած մասնակիորեն խաթարված դամբարանը: Այն 4,00 x 2,00 x 2,00 մ չափերի հիմնահողային, բոլորշի անկյուններով, արևելք-արևմուտք, քիչ դեպի հարավ շեղված դամբանախուց է: Խցի հյուսիսարևելյան պատի մեջ՝ հատակից 1 մ բարձր, մխրճված բրոնզե նիզակի ծայր կար: Դամբանախցի ամբողջ հատակին կարմիր անգորով պատած գունազարդ խեցանոթների բեկորներ էին սփռված, որտեղ հիմնականում առանձնանում են երկու տեսակի խեցանոթներ՝ կարասներն ու քրեղանները (աղ. VI, նկ. 6-8): ԼՃաշենի նախորդ փուլի թիվ 123 դամբարանի և Սևանի դամբանային համալիրների կարասները ձևով՝ ձգվածությամբ միմյանց շատ մոտ են, այն տարբերությամբ, որ Սևանի օրինակների իրաններն անգորբապատ են և ունեն ավելի ձգված տեսք: Սակայն դրանք միմյանցից հստակ զանազանվում են զարդամոտիվների կատարման եղանակով (սև ներկով) ու ձևերով: Գերակշռում են սև ներկով արված ջրի սիմվոլիկ և ջրում լողացող թռչունների պատկերները, ալիքագոտիները,

⁵¹ Э. М. Г о г а д з е. Курганные погребения Лило.– Вестник гос. музея Грузии, XXXII – В. Тбилиси, 1976, табл. XXV /10.

⁵² Է. Վ. Խ ա ն զ ա ղ յ ա ն. Գառնի IV, էջ 87, նկ. 81:

⁵³ Մ. Հ. Մ ա թ դ ա ղ յ ա ն. նշվ. աշխ., էջ 82–83, աղ. LVI, նկ. 2, 3, 5, 6:

զիզգագները (ադ. VI, նկ. 7): Քրեդանների (ադ. VI, նկ. 6) զարդերը հիմնականում կատարված են շուրթերից կախված կիսաշրջանների տեսքով: Էլատի թիվ 35 դամբարանի հիդրիան և քրեդաններն իրենց ձևերով ամբողջությամբ համապատասխանում են Սևանի օրինակներին⁵⁴, միայն այն տարբերությամբ, որ քրեդանները զուրկ են զարդերից: Ամբողջությամբ մեր օրինակներին է համապատասխանում նաև Էլատի թիվ 42 դամբարանի հիդրիան⁵⁵:

Պեղող հնագետը, ամփոփելով թիվ 35 և 42 դամբարանների ուսումնասիրությունը, իրավացիորեն եզրակացնում է, որ թիվ 35 դամբարանի խեցեղենը կարծես կապող օղակ լինի Կիրովական-Օաղկա խմբի և միջին բրոնզից ուշ բրոնզի անցման փուլի Նորատուսի ու Նուլիի խմբի միջև և կարող է թվագրվել Ք. ա. XV դարի II կեսով⁵⁶: Է. Խանզադյանը, ճիշտ նշմարելով տվյալ նյութերի անցումային բնույթը, միննույն ժամանակ ժամանակագրության առումով մնացել է գոյություն ունեցող կադապարների սահմանում, ըստ որի՝ Թռեղք-վանաձորյան մշակույթի վերջին փուլն ավարտվում է Ք. ա. XV դարում:

Թռեղք-վանաձորյան մշակույթի ավարտական ժամանակաշրջանին է պատկանում Հառիճի թիվ 11 դամբարանը: Այստեղ հայտնաբերված անզարդ նյութերն անհիմն մոտեցնելով ուշ բրոնզի նմուշներին՝ Տ. Խաչատրյանը թվագրում է Ք. ա. XVI–XV դարերով⁵⁷:

Սևանի նյութերի վաղ դրսևորումներն առկա են նաև 1982 թ. Ավագաբլուրում պեղված դամբարանում (ՀՊՊԹ, 2817/1-16): Հար և նման գույքակազմ ունի և Ղրղիի դամբարանը: Ուսումնասիրողը տվյալ դամբարանի նյութերը վերագրելով Թռեղք-վանաձորյան մշակույթի III փուլին՝ թվագրում է Ք. ա. XVIII–XVI դարերով⁵⁸:

Ըստ Է. Գոգաձեի դասակարգման սանդղակի՝ Սևանի հիդրիաները գուգահեռներ ունեն Թռեղքի III փուլին պատկանող թիվ 1, 7 և 15 դամբարանաբլուրներում, որոնք վերջինիս կողմից թվագրված են Ք. ա. XVI–XV դարերով⁵⁹:

Սևանի դամբարանի խեցանոթները կրկնում են նաև Մեսխեթ-Չավախեթի թիվ 3 դամբարանի նյութերը⁶⁰: Գոյություն ունի հուշարձանների ևս մի խումբ, որը հստակ հատկանիշներով աղերսվում է արդեն հաջորդ՝ Կարմիր բերդ-սևանարցախյան մշակութային դրսևորումների հետ: Նման դրսևորումներ կան Էլատի թիվ 25 դամբարանում, որտեղ Ուզգերլիկ թեփեի ստորին շերտի կամարաձև զարդերը զուգորդված են Սևան-Արցախի գունազարդ խեցեղենի նմուշների հետ⁶¹: Ուսումնասիրողը, իրավամբ, խորա-

⁵⁴ Է. Վ. Խաչատրյան. Էլատ-Դարանի, նկ. 101:

⁵⁵ Նույն տեղում:

⁵⁶ Նույն տեղում, էջ 75:

⁵⁷ Т. С. Х а ч а т р я н. Древняя культура Ширака. Ереван, 1975, с. 119, рис. 72.

⁵⁸ С. А. Е с а я н. Древняя культура Северо-Восточной Армении (III–I тыс. до н. э.). Ереван, 1976, с. 102.

⁵⁹ Э. М. Г о г а д з е. Периодизация и генезис..., табл. 15, 19, 22.

⁶⁰ О. М. Д ж а п а р и д з е, Я. К и к в и д з е, Г. А в а л и ш в и л и, А. Ц е р е т е л и. Եջ. աշխ., էջ 58, նկ. 11:

⁶¹ Է. Վ. Խաչատրյան. Էլատ-Դարանի, էջ 64–65:

քանդակ զարդերով խեցեղենը համարում է Ք. ա. II հազարամյակի սկզբի նյութեր, իսկ սանրատամ գունեղ շերտներով նյութերը հանդիպում են ն՝ վաղ, և՛ ուշ փուլերում: Եթե համատեղում ենք այդ երկու հատկանիշները, ապա ճշմարտացի պիտի համարել այն հետևությունը, որ դրանք արգասիք են մշակութային համատեղության և պետք է թվագրել Ք.ա. XIX–XVIII/XVII⁶²: Այս խմբին է դասվում նաև Լոռի բերդի թիվ 6 դամբանաբլուրը, որտեղ համատեղվում են դասական Թոեղքի և Սևան–Արցախի կետագարդ նյութերը⁶³: Հար և նման գունազարդ կետագարդ և խորաքանդակ նյութեր են հայտնի Ախլաթյանում⁶⁴: Ուշագրավ են Միսիան I համանման խառը նյութեր պարունակող թիվ 1–4 դամբարանների ուսումնասիրման ժամանակ արված ճշմարտացի մոտեցումները նյութերի դասակարգման և ժամանակագրության խնդրում: Հեղինակները խառը կազմ ունեցող գտածոները համարում են Ք. ա. XVIII–XVII դարերի մշակութային արգասիք⁶⁵:

Խեցեղենից բացի՝ Սևանի դամբարանում գտնվել է նաև բրոնզե միակ զենքը՝ նիզակի ծայրը (աղ. VI, նկ. 9): Հայաստանի տարածքում այս զինատեսակն առաջին անգամ հայտնաբերվել է Կիրովականի դամբանաբլրից, որը կրկնում է Թոեղքի դամբանաբլուրներից մեկում գտնվածը⁶⁶: Հ. Մարտիրոսյանը, քննության առնելով այդ նյութերն համաժամանակյա այլ նյութերի համատեքստում, դրանք համարում է Ք. ա. II հազարամյակի կեսերի արտադրանք⁶⁷: Բ. Կուֆտինը Թոեղքի թիվ 15 դամբանաբլրի նույն ձևի նիզակի ծայրը և ամբողջ հավաքածուն դասում է Թոեղքի վաղ խմբին⁶⁸, իսկ Է. Գոգաձեն միանգամայն հակառակ՝ վերջին խմբում, և միքենյան ուշ սիրիական նյութերի հիման վրա թվագրում Ք. ա. XVI–XV դարերով, որի վերին սահմանը, ըստ նրա, համընկնում է ՈԻԲ սկզբնական փուլի հետ (Ք. ա. XV դարի վերջ – XIV դարեր)՝ չբացատրելով անցման փուլի առկայությունը⁶⁹:

Օ. Ջափարիձեն 1970-ական թվականներին Թոեղքի մշակույթի տարածման սահմանները որոշելու նպատակով Մեսիսեթ-Ջավախքում կատարած պեղումներով բացված դամբանաբլուրները համարում է Թոեղքի մշակույթի ուշ փուլի նյութեր, այդ թվում և Ախլաթյանի թիվ 3 դամբանաբլուրը, որի

⁶² Պ. Ս. Սվե տ ի ս յ ա ն. Հայաստանի միջին բրոնզի ժամանակագրությունը և փուլաբաժանումը.– Պատմ. գիտ. թեկնածուական ատենախոսության սեղմագիր, Երևան, 2003, էջ 19:

⁶³ С. Г. Деведжян. Лори Берд I. Ереван, 1981, табл. II–IV.

⁶⁴ Օ. Տ. Քնկիկյան. Նշվ. աշխ., նկ. XVII:

⁶⁵ P. Avetisyan, R. Badalyan, A. Gevorkyan, O. Khnkikyan. The 1998 Excavation Campaign at the, Middle Bronze Age Necropolis of Sisian, Armenia, Studi ed micenei ed Egeo-Anatolici 42/2. Roma, pp. 161–173, 1998.

⁶⁶ Б. Б. Пиотровский. Археология Закавказья (с древнейших времен до I тысячелетия до н. э.). Л., 1949, с. 47.

⁶⁷ А. А. Мартиросян. Նշվ. աշխ., էջ 67:

⁶⁸ Б. А. Куфтин. Նշվ. աշխ., էջ 85–86:

⁶⁹ Э. М. Гогадзе. Периодизация и генезис..., 1972, с. 106–107.

մեջ գտնվել է ներկայացվող նիզակի ծայրի նմանակը, և այն թվագրել է Ք. ա. XVII–XVI դարերով⁷⁰:

Մի փոքր ավելի ուշ Վ. Սադրաձեն, դասակարգելով Մեսխեթի միջին բրոնզի դարաշրջանի նյութերը, թիվ 28 դամբարանը, որի մեջ ևս գտնվել է նման նիզակի ծայր, այն թվագրել է Ք. ա. 1800–1600 թվականներով և համարել ՄԲ միջին փուլ⁷¹:

Նիզակի վաղնջական օրինակը Հայաստանում մինչ օրս հայտնի է Միսիանի թիվ 10 դամբարանից: Ուսումնասիրողն այն թվագրում է Ք. ա. III հազարամյակի վերջ–II հազարամյակի սկզբով⁷²: Պ. Ավետիսյանն այս դամբանային գտածոները և Հայաստանի այլ նմանատիպ նյութերն ամբողջությամբ վերագրել է Ք. ա. XXII դարի II կես – XIX դարի առաջին կեսին⁷³:

Սևանի դամբարանի ուսումնասիրությունը ցույց է տալիս, որ այդ գունագարդ խեցեղեն պարունակող թաղման գույքը դուրս չի գալիս Ք. ա. XIX/XVIII դարերի սահմաններից, և որ տվյալ դամբարանի նիզակի ծայրի տեսակը ձևավորվել է դեռևս Ք. ա. XXII դարի II կես – XIX դարի սկզբներում:

Հանրագումարի բերելով Լճաշենի դամբանադաշտում պեղումներով հայտնաբերված սակավաթիվ՝ վաղ կուրգանային թիվ 55 և Թռեղք-վանաձորյան թիվ 120 (վերին թաղում), 123, 14, 42, 44, 62 և Սևան քաղաքում պատահականորեն բացված դամբարանների ուսումնասիրությունը՝ հանգել ենք այն հետևության, որ տվյալ մշակութային փուլի զարգացումը տեղի է ունեցել ոչ մեկուսի և ընդհանրական է հարավկովկասյան տարածաշրջանին: Մրանով ամբողջացվում է Լճաշենի մշակույթի զարգացման ընթացքը:

КУЛЬТУРА ЛЧАШЕНСКОГО НЕКРОПОЛЯ

(XXIV–XVIII вв. до Р. X)

ЛЕВОН ПЕТРОСЯՅՆ

Резюме

Культура Лчашена датируется XXIV–XVIII вв. до Р. X. К этой культуре относятся раскопанные А. Мнацаканяном в 1960-е гг. курганы ¹14, 42, 44, 120 (верхнее погребение), 123 и погребение ¹ 62, а также раскопанное нами в 1988 г. погребение ¹ 55, в том числе захоронения на территории города Севан, раскопанные в 1993 г. Погребение ¹ 55, как по своей конструкции, так и по

⁷⁰ О. М. Джапаридзе. Результаты Месхет-Джавахетской археологической экспедиции..., с. 172.

⁷¹ В. Садрадзе. Археологические памятники «Мцхет великой» эпохи средней бронзы. Тбилиси, 1993, табл. XXIX, XLIII.

⁷² О. S. Xnkikyan. Նշվ. աշխ., նկ. IX:

⁷³ Պ. Ա. Ավետիսյան. նշվ. աշխ., էջ 19:

инвентарю, принадлежит к раннекурганной культуре. Упомянутые курганы, раскопанные А. Мнацакяном, принадлежат к трех-ванадзорской культуре и датируются XXII–XIX вв. до Р. Х., а погребение в городе Севан относится к последнему этапу трех-ванадзорской культуры – XIX в.–первой половине XVIII в. до Р. Х.

THE CULTURE OF LCHASHEN CEMETERY (The 24th–18th centuries B.C.)

LEVON PETROSYAN

S u m m a r y

The culture of Lchashen cemetery is dated to the 24th–18th centuries B.C. To this culture belong the Lchashen barrows №14, 42, 44, 120 (upper burial), 123 and burial № 62 excavated by H. Mnatsakanyan in the 1960s, as well as the burial №55 excavated in 1988, and the tombs in the town of Sevan excavated by us in 1993. The burial №55, both with its construction and materials found within it belongs to Early Kurgan Culture. The above mentioned barrows excavated by H. Mnatsakanyan belong to Trialeti-Vanadzor culture and date to the 22nd–19th centuries B.C., and the Sevan town burial dates to the last stage of Trialeti-Vanadzor culture, i.e. the 19th – the first half of the 18th centuries B.C.